

ԿԱՐԱՊԵՏ ՇԱՀՆԱԶԱՐՅԱՆԸ
ԵՎ ՆՐԱ «ԵՐԿՐԱԳՈՒՆԴ» ԹԵՐԹԸ

ԿԱՐՈՆԵ ԱՂԱՄՅԱՆ

Կարապետ Շահնազարյանը XIX դ. 50—60-ական թվականների լուսավորական մտքի ներկայացուցիչներից է, ժամանակի մշակութային և հասարակական անվանի գործիչներից մեկը: Նրա կյանքն ու գործունեությունը խորությամբ չեն յուսումնասիրվել ոչ նախահեղափոխական շրջանի, ոչ էլ սովետահայ պատմաբանների կամ գրականագետների կողմից, որոնց հոգևածնեբերում և աշխատություններում Շահնազարյանը որակվել է որպես արգելափակող-պահպանողական գործիչ, իսկ «Երկրագունդը»՝ համապատասխան ուղղությանը պատկանող պարբերական¹:

XIX դ. 60-ական թվականներին «Երկրագունդում» Շահնազարյանի հրատարակած հոդվածների, ակնարկների, քաղաքական տեսությունների մանրակրկիտ ուսումնասիրությունն ու վերլուծությունը բերում է այն համոզման, որ Շահնազարյանի գործունեությանն ու աշխարհայացքին, նրա լրագրին տրված գնահատականները կրել են միակողմանի բնույթ՝ օբյեկտիվորեն չարտացոլելով դրանց էությունը:

Կարապետ Շահնազարյանը ծնվել է 1814 թ. Պարսկաստանի Համադան քաղաքում²: Սովորել է էջմիածնի Ժառանգավորաց դպրոցում, ապա Թիֆլիսում՝ Արղանյանների մասնավոր վարժարանում: 1836 թ. նա ընդունվել է Մոսկվայի լազարյան ճեմարանը: 1839—1842 թթ. պաշտոնավարել է էջմիածնի Ժառանգավորաց դպրոցում որպես տեսուչ և ուսուցիչ: 1843 թ. Շահնազարյանը Տաթևում ձեռնադրվում է վարդապետ: 1846 թ. տեղափոխվում է Թիֆլիս, որտեղ ներսես կաթողիկոսը նրան նշանակում է թեմական ատյանի նախահամ, հետագայում՝ ներսիսյան դպրոցի խորհրդարանի անդամ, ապա՝ վերատեսուչ: 1850 թ. մեկնում է Կ. Պոլիս³: Այստեղ Շահնազարյանը նշանակվում է Ղալաթիայի եկեղեցու քարոզիչ: Նախատեսվում էր Կ. Պոլսում հիմնել հոգևոր վարժարան և դրա տեսչությունը հանձնել նրան: Սակայն պոլսահայ ամիրայությունն և կղերականությունը գաղափարախոս Հովհաննես Զամուռճյանը նրա դեմ է տրամադրում ամիրաներին ու բարձրաստիճան հոգևորականությանը և, փորձելով խափանել այդ գործը, լուրեր տարածում, թե Շահնազարյանը հակառակ է լուսավորչական եկեղեցուն: 1851 թ. Շահնազարյանի պահանջով կազմված հանձնաժողովը, պատրիարքարանի երկու նիստերում լսելով կողմերին, արդարացնում է Շահնազարյանին⁴: Այս միջադեպն ի նկատի ունենալով, արդարացնում է Շահնազարյանին⁴: Այս միջադեպն ի նկատի ունենալով, արդարացնում է Շահնազարյանին⁴: Շահնազարյանը, երբ իր «Նկատողություն» հոդվածում գրում էր. «...Մխիթարյանք մերժում են այժմ յուրյանց Միաբարների (unitor) ձեռքով արվեստակած Դա-

¹ Ա. Բ. Կարինյան, Ակնարկներ հայ պարբերական մամուլի պատմության, հ. 2, Երևան, 1960, Ա. Գ. Աբրահամյան, Համառոտ ուրվագիծ հայ գաղթավայրերի պատմության, հ. Բ, Երևան, 1967, Վ. Փարթևանյան, Անգլիայի գաղութ (սեյնթ ժոզֆի) պատմություն, հ. 6, Երևան, 1981) և այլն:

² Նրա կենսագրության մասին մանրամասն տե՛ս Կ. Կոստանյանց, Կարապետ վարդապետ Շահնազարյանը. կենսագրական ակնարկ, Թիֆլիս, 1911:

³ Կ. Շահնազարյանը Թիֆլիսից մեկնել է 1850 թ. օգոստոսի 14-ին և Կ. Պոլիս ժամանել նույն թվականի սեպտեմբերի 28-ին [տե՛ս Մաշտոցի անվան Մատենադարան (այսուհետև՝ Մատենադարան), Ալ. Երիցյանի արխիվ, թղթ. 154, վ. 435]:

⁴ «Արևելյան մամուլ», 1875, № 6, էջ 218—225, № 7, էջ 257—264, № 8, էջ 286—294, № 9, էջ 321—328:

շանց թուղթը, այն որ հիսններորդ թվականներում արժ. Կարապետ Շահնազարյանց վարդապետի մերժելուն համար քիչ էր մնացել, որ Միջնադարյանք Վոսփորում խեղդեն խեղճ վարդապետին»⁵:

1853 թ. Շահնազարյանը տեղափոխվում է Փարիզ⁶, որտեղ հետագայում հաստատում է իր տպարանը և սկսում «Շար Հայ պատմագրաց» մատենաշարի հրատարակությունը: 1857—1862 թթ. նա տպագրում է Ղևոնդ վարդապետի, Ստեփանոս Ասողիկի, Մովսես Կաղանկատվացու, Ստեփանոս Օրբելյանի, Սմբատ Սպարապետի, Վահրամ Բարունու և Թովմա Մեծոփեցու աշխատությունները՝ համառոտ ծանոթագրություններով: Միաժամանակ նա հրատարակում է նաև իր աշխատությունները՝ «Դաշնաց թղթի քննությունն ու հերքումը», «Ընդարձակ տեղագրություն Հայաստանի» և այլն: Շահնազարյանը ժամանակին ընտրվել է Փարիզի Արևելյան ընկերության, ինչպես նաև ճեմարանի խորհրդարանի անդամ:

Ջեյթունի 1862 թ. ապստամբության օրերին Շահնազարյանը մի հիշատակագիր է ներկայացնում Նապոլեոն III կայսրին՝ նրա ուշադրությունը բեռնելով Կիրիլիայի հայերի վիճակի վրա: Այս կապակցությամբ «Ջեյթունի անցքեր» վերնագրով հոգված է տպագրում «Փարիզ» թերթում⁷, կազմակերպում է դրամական հանգանակություն՝ ապստամբներին օգնելու նպատակով⁸:

1862 թ. օգոստոսին Շահնազարյանին Մանչեստրի հայ համայնքը հրավիրում է Անգլիա՝ ստանձնելու տեղի հայության հոգևոր առաջնորդի պաշտոնը, ուր և նա մեկնում է 1863 թ. փետրվարին⁹: Մանչեստրում նա սկսում է հրատարակել «Երկրագունդ» թերթը, որի առաջին համարը լույս է տեսնում 1863 թ. հուլիսի 30-ին, իսկ վերջինը՝ 30-րդը, 1864 թ. հոկտեմբերի 4-ին, որից հետո դրա հրատարակությունը դադարեցվում է Շահնազարյանի հիվանդության պատճառով: Բուժման նպատակով 1864 թ. նա տեղափոխվում է նախ Եգիպտոս, ապա՝ Կ. Պոլիս, որտեղ և վախճանվում է 1865 թ. օգոստոսին:

Մ. Նալբանդյանն առաջին անգամ Շահնազարյանին հանդիպել է Փարիզում 1859 թ. գարնանը: Իր «Հիշատակարանում» նա գովեստով է խոսում վերջինիս հրատարակչական աշխատանքի մասին՝ բնութագրելով նրան որպես խոշոր հրատարակիչ. «Որպես հնության հիշատակարան պատվելի է մեզ այս հրատարակությունը և այն ազգային դպրության պարապողների համար (խոսքը «Շար Հայ պատմագրաց» մատենաշարի մասին է—Կ. Ա.)»¹⁰: Շահնազարյանի հետ Նալբանդյանի անձնական ծանոթության վկայություններից է նաև այն, որ վերջինիս ծոցատետրի՝ 1959 թ. գրված հասցենների ցուցակում կա նաև Շահնազարյանի

5 Մ. Նալբանդյան, Երկերի լիակատար ժողովածու (այսուհետև՝ ԵԼԺ), հ. 4, Երևան, 1983, էջ 393: Ուշագրավ է, որ Նալբանդյանի այս՝ «նկատողություն» հոդվածը (գրված՝ 1865 թ.) և 1863 թ. դեկտեմբերի 11-ին գրած «նկատողություն» հոդվածը առաջին անգամ տպագրվել են 1871 թ. Կ. Պոլսում՝ Նուպար-Շահնազարյան վարժարանի տպարանում լույս ընծայվող «Երկրագունդ» շաբաթաթերթում: Վերջինս խմբագրվում էր վարժարանի սաների կողմից և, ինչպես նրբվում էր լրագրի առաջին համարի առաջաբանում, շարունակում էր Կ. Շահնազարյանի սկսած գործը, Մանչեստրում նրա հրատարակած «Երկրագունդի» ավանդույթները (տե՛ս «Երկրագունդ», 3. I. 1870):

6 Շահնազարյանի՝ Փարիզ տեղափոխման փաստը թվագրվել է 1855 թ.: Իրականում նա Փարիզ է մեկնել 1853 թ. երկրորդ կեսին (տե՛ս Մատենադարան, Լազարյանների արխիվ, թղթ. 101, վ. 9, «Արշալույս արարատյան», 2. VII. 1854):

7 Տե՛ս «Փարիզ», 26. IX. 1862:

8 Նույն տեղում, 12. IX. 1862:

9 Ենթադրվել է, թե Շահնազարյանը Փարիզից Մանչեստր է մեկնել 1862 թ. (տե՛ս Մ. Նալբանդյան, ԵԼԺ, հ. 3, Երևան, 1982, էջ 408, «Հայկական Սովետական Հանրագիտարան», հ. 8, Երևան, 1982, էջ 427): Ժիլտե այն է, որ Շահնազարյանը Անգլիա է մեկնել 1863 թ. փետրվարի 14-ին (տե՛ս Ե. Զարենցի անվ. գրականության և արվեստի թանգարան (այսուհետև՝ ԳԱԹ), Կ. Շահազիզյանի ֆ., վ. 23, «Փարիզ», 20. II. 1863):

10 Մ. Նալբանդյան, ԵԼԺ, հ. 3, էջ 164:

նի փարիզյան հասցեն. „Debouest № 85. Mr. Chahnasarian“.¹¹ Հետագայում, հենց Շահնազարյանի տպարանում էլ նախանգյանը լույս է ընծայում իր «Երկրագործությունը որպես ուղիղ ճանապարհ» աշխատությունը՝ Սիմեոն Մանիկյան կեղծանունով:

4. Շահնազարյանին, որպես հայ մտավորականության ներկայացուցիչ, բնականաբար, ամենից առաջ հուզում էին հայ հասարակության զարգացման հարցերը Ռուսաստանի և Թուրքիայի սոցիալ-տնտեսական կարգերի պայմաններում, երկրներ, ուր ապրում էր հայության նշանակալից մասը: XIX դ. 50—60-ական թվականներին, երբ աշխատավոր զանգվածների գրությունն ավելի ու ավելի անտանելի էր դառնում ֆեոդալական և կապիտալիստական շահագործման զուգակցման հետևանքով, նրա հայացության մեջ առաջնահերթ նըշանակություն է ստանում և առաջին պլան մղվում տնտեսական խնդիրը: Երկրագործությունը նա համարում էր «մարդկային հարստության առաջին աղբյուր», ապահով կյանքի անհրաժեշտ նախապայման¹²: Շահնազարյանը հատկապես ընդգծում է, որ երկրագործությամբ զբաղվելու դեպքում մարդիկ կվայելին ոչ միայն բարօրություն, այլև կհասնեին քաղաքացիական ազատության: «Եթե Հայաստանի մեջ երկրագործությունն ծաղկի, — գրում է նա, — ...տարակույս չկա, որ 15—20 տարվան մեջ ժողովուրդն նյութական լիություն վայելի, և լիութենեն, հալա՜ն է, որ կծնանին ամեն փառափառ, մեծավոր և ընկերական բարիք» (28. VI. 1864): Փաստորեն, Շահնազարյանը դիտակցում էր նյութական գործոնի վճռական դերը և համոզված էր, որ ա-

11 Տե՛ս ԳԱԹ, Մ. Նախանգյանի ֆ., բաժին առաջին, վ. 14: Ի դեպ, Նախանգյանի ծոցատերի հասցեների այս ցուցակում երկու անգամ հիշատակվում է անգլերեն գրված մի հասցե եւս: Առաջին դեպքում այն գրված է այսպես. «LONDON 60. Haymarket street. Mr. Thomas (Turkish divan)» [Հոնգոն. Հեյմարքեթ փողոց 60. Պարոն Թոմաս/Թուրքական դիվան/]: Երկրորդ անգամ հասցեն գրված է հետևյալ կերպ. «LONDON M. Thomas—Turkish—divan Haymarket street 60» (Հոնգոն, Մ. Թոմաս—Թուրքական դիվան, Հեյմարքեթ փողոց 60): Ցայսօր այս անունն անուշադրության է մատնվել Նախանգյանագետների կողմից: «Արշալույս արարատյանի» նյութերը կարդալիս մեր ուշադրությունը գրավեց պարբերականի 1857 թ. հունիսի 14-ի համարում տպագրված հետևյալ ծանուցումը. «Պոլսեցի Թովմասյան պարոն Մատթեոսը լոնդոն Հեյ Մարքեթ փողոցը թիվ 63, սրճարան մը բացեր է: ուստի կհրավիրե նույն մայրաքաղաքը ճամբորդություն ընող յուր համագլխի հարգելիները. որպեսզի բարեհաճին յուր սըր-նարանը երթալու, ուր տեղ կընան հարկավոր տեղեկություններ ստանալ թե՛ հանգիստ և հարմար իշխաններ գտնելու և թե՛ լոնտոնի երեւելի տեղեկանքը պտտելու համար: Վերջապես պարոն Մատթեոսը պատրաստ է ամեն կերպով գոհ ընել իր սրճարանը դացող հայազգի ճամփորդները: Հաշվի առնելով այն հանգամանքը, որ Նախանգյանն անգլերեն կամ ֆրանսերեն լեզվով հայկական ազգանունները երբեմն գրում էր փոքր-ինչ այլ կերպ, ինչպես, օրինակ, բանաստեղծ Խ. Մխաբյանի անունը՝ պարոն Մխաբ, տպագրիչ ճանիկ Արամյանի անունը՝ պարոն Արամ ձևով (տե՛ս ԳԱԹ, Ը. Նախանգյանի ֆ., բաժին, վ. 14), ճիշտ կլինի ենթադրել, որ Թովմասը Թովմասյանի և՛րոպական ձևն է: Այնուհետև, հասցեում գրված է Թուրքական դիվան: Խոսակցական անգլերենում դիվան նշանակում է նաև խանութ: Շատ հավանական է, որ Նախանգյանը Թուրքական դիվան գրելով նկատի է ունեցել Թուրքիայից Անգլիա տեղափոխված պոլսահայ Մատթեոս Թովմասյանի՝ լոնդոնում բացած խանութ-սրճարանը: Հասցեի երկրորդ ձևում, առաջինի համեմատությամբ, կա աննշան թվացող մի տարբերություն: Առաջինում հասցեատերը կոչվում է պարոն Թոմաս, իսկ երկրորդում՝ Մ. Թոմաս, այսինքն՝ Մ. Թովմասյան: Այսպիսով, Նախանգյանի ծոցատերի և «Արշալույս արարատյանում» տպագրված ծանուցման հասցեները հուշում են, որ դրանք պատկանել են միևնույն անձնավորությանը՝ Մատթեոս Թովմասյանին: 1859 թ. արտասահման ուղևորվելիս Նախանգյանը, որն առաջին անգամ պետք է այցելել նաև լոնդոն ե, բոլորովին անծանոթ լինելով քաղաքին, հավանաբար, ավելորդ չի համարել իր հետ վերցնել նաև լոնդոնում բնակվող հայազգի վաճառականի հասցեն, մանավանդ, վերջինս պատրաստակամորեն առաջարկում էր իր ծառայությունները:

12 Տե՛ս «Երկրագունդ», 28. VI. 1864 (այսուհետև թերթի ամիս-ամսաթիվը՝ մեղրերումներին կից):

ռանց տնտեսական հարցի լուծման անհնար էր հասնել քաղաքացիական բարոյության:

Երկրագործության զարգացումը լայն և նոր հնարավորություններ էր ստեղծում նաև վաճառականության համար: Շահնազարյանը, վաճառականությունը համարում է «երկրագործության ծնունդ», երկրագործներին՝ դրա «հիմն, նեցուկ, մատակարար և կերակրիչ» (30. VII. 1863): Հենվելով բուրժուական տնտեսագիտական տեսությունների վրա, նա նշում է, որ ազգին հատկապես մեծ օգուտ կարող են տալ վաճառականական ընկերությունները: Որպես այդ ընկերությունների օգտակարության ապացույց, Շահնազարյանն օրինակ է բերում Եվրոպայի և Ասիայի վաճառականներին, որոնք, ընկերություններ հաստատելով, «գուլգն աշխատությամբ տիեզերաց ճոխությունն իրենց երկիրներն կթաշին...» (14. VI. 1864):

Շահնազարյանը առաջադրում էր նաև երկրագործական ընկերություններ, ուսումնարաններ հիմնելու խնդիրը: Եվ նա շատ ավելի նպատակահարմար էր գտնում դրամն օգտագործել այդ նպատակների իրագործման, քան եկեղեցի կամ խաչկալ կառուցելու համար, և դա այն դեպքում, երբ ինքը հոգևորական էր: «Մեք հավիտյան հանձն չէինք առնուր 40,000 չիրա ծախք ընել և Իզմիրի վոյկանիք հողի վերա այնպիսի մեծակառույց եկեղեցի կանգնել, — դրում է նա: — Ավելի ազգասիրական կսեպեինք... մեկ երկու պատանյաց և աղջկե-րանց և մի մասնավոր երկրագործական ուսումնարան բանալ...: Մեք երբեք հանձն չէինք առնուր եկեղեցու մեկ կամ երեք փայտյա խաչկալ շինելու համար ոչ 3,000 և ոչ 1,000 չիրա անգամ այս անարժաթ ժամանակիս մեջ մըս-խել» (ն. տ.):

Կ. Շահնազարյանի կարծիքով երկրագործության զարգացումը կհասցնեք ազգի մեծամասնության բարեկեցությանը, որով և նա պայմանավորում էր անհատի բարեկեցությունը: «Օր պիտի քա, և կանուխ, որ ամեն անհատ հաս-կընա, լթե անճատի բարեկեցականությունն ընդհանուրի բարեկեցականութենե կախված է...» (30. VII. 1863):

«Երկրագործի» էջերում Շահնազարյանի արժարժած տեսակետները տըն-տեսական հարցերի ու պրոբլեմների վերաբերյալ պատահական երևույթ չէին հայ իրականության մեջ: Այնպիսի հարցեր, ինչպիսիք են երկրագործական առաջավոր եղանակներով գյուղատնտեսությունը զարգացնելու, ազգային վա-ճառականություն կազմակերպելու խնդիրները, մինչ այդ արդեն քննվել էին Մ. Նալբանդյանի «Երկրագործությունը որպես ուղիղ ճանապարհ» աշխատու-թյան մեջ, արևմտահայ մամուլում, մասնավորապես՝ Ն. Զորայանի, Հ. Սը-վաճյանի, Մ. Մամուրյանի, Հ. Շիշմանյանի և այլոց հոդվածներում, 1860 թ. սեպտեմբերին Կ. Պոլսում ստեղծված «Բարեգործական ընկերության» հայտա-րարության մեջ և այլն:

Ժողովրդին թշվառ վիճակից դուրս բերելու և նրա առաջադիմության գոր-ծում Շահնազարյանը որոշիչ նշանակություն էր տալիս լուսավորությանը: Մեջ-բերելով Ռուսսոյի և Լեյբնիցի խոսքերն ազգային կրթության նշանակության մասին, նա գրում է. «Միևնույն խոսքն մեք ալ կկրկնեմք մեր սիրելի ազգայնոցն «կրթեցե՛ք մեր զավակներն, և ահա՛ 15—20 տարվան մեջ մեր ազգն կերպա-րա: ափոխ կըլլա. քանզի գիտությունն ամենայն բարյաց աղբյուր է. իսկ ան-գիտությունն՝ ամենայն չարաց ծնող...» (21. III. 1864): Նրա փորին համոզ-մունքն է, որ որքան տգետ է հպատակ ազգը, այնքան ավելի ամուր է նրան սեղմող բռնակալական լուծը: Այդտեղից հետևում էր, որ կրթությունը, լուսա-վորությունը ժողովրդին կընձեռենին ազատագրման հնարավորություններ: «Հպատակ ազգերու տգիտությունն բռնավոր կառավարությանց փրկու-թյան խարիսխն է, — կարդում ենք «Խնչ է ազգայնության ոգին» հոդվածում, — հակադարձաբար, անոնց հրահանգությունն իրենց բռնավորաց նավաբեկու-թյուն, կործանումն և կորուստ կծնանի» (28. III. 1864):

Կ. Շահնազարյանին խիստ մտահոգում էր հայ ժողովրդի չափազանց հե-տամնաց վիճակը: Նրան խոր վիշտ էր պատճառում այն միտքը, որ «հայու-թյան զանգվածին մեջ գիտությունն և կրթությունն, մասնավանդ մեր ազգի ո-

գոն համար գիտություն և կրթություն տակավին արմատ չեն ձգեր» (18. IV. 1864): Այս ծանր վիճակի մեջ էական որևէ փոփոխություն չէին կարող մտցնել նաև այն մի քանի բացառիկ «ճյուղստի» ազգի նմանյալ՝ անհատները, որոնք լեզու և գիտություն սովորելով առ ժամանակ մի կփայլին, առ ժամանակ մի հայ հորիզոնի վերա կշողշողան և դարձյալ կանհետանան» (ն. տ.):

Կ. Շահնազարյանը համոզված էր, որ միայն համընդհանուր, համազգային լուսավորությունը կարող էր արդյունավետ և օգտակար լինել ժողովրդի համար: Այդ պատճառով էլ նա անհրաժեշտ էր համարում հիմք դնել «ազգային դաստիարակության» (ն. տ.): Սակայն նա չկարողացավ հաղթահարել լուսավորականության պատմական այն սահմանափակությունը, որ ենթադրում էր մարդկանց վիճակների մեջ եղած տարբերությունը վերացնել դաստիարակության և կրթության միջոցով: Այնուամենայնիվ, չնայած այս հանգամանքին, Շահնազարյանի լուսավորական-դեմոկրատական այս մտայնությունը առաջադիմական երևույթ էր ժամանակի հասարակական մտքի զարգացման պայմաններում:

Ելնելով ազգի լուսավորության, դաստիարակության խնդիրներից, Շահնազարյանը մեծ տեղ էր տալիս լրագրի հրատարակությանը: «Երկրագունդի» խմբագրի կարծիքով, մամուլը նպաստում էր հասարակության առաջընթացին, ստեղծում հասարակական կարծիք, որից վախենում էին անգամ հզոր բռնակալները: «Լրագիրն բանիբուն կորովամիտ և լուրջ անձանց փետուրեն ելլելով, — գրում է նա, — կարող է նոր, ճշմարիտ և ուղիղ գաղափարներ և սկզբունքներ ևս հանելով, նորոգիչ և փրկաբար ճշմարտություններ քարոզելով, շարունակ իր ընթերցողաց լսելյացն և երևակայությանն զարնելով՝ հասարակաց կարծիքը բոված ուժն ստեղծել, որի առաջ, նաև 100,000 սվիճներու վրա կեցյալ բռնակալներն անգամ կողոտան...» (30. VII. 1863):

Կ. Շահնազարյանը, ձեռնամուխ լինելով «Երկրագունդի» հրատարակությանը, գտնում էր, որ այն պետք է «ժողովրդի էական պետքերը ճանաչի և անոնց ծառայի բարոյական սերմեր, ազգասիրական ոգի, ազատության սեր և կարևոր հմտություններ տարածելով» (20. VII. 1864): «Երկրագունդը» նա համարում էր «ազգային և ազատ» լրագիր, որը միշտ պատրաստ էր արձագանքել ազգի շահի դեմ գործած անիրավություններին, ինչպես նաև նրա օգտին կատարված բարեարություններին (14. VI. 1864): «Երկրագունդն» անխելճա պայքարելու էր բռնության, հարստահարության և օրինազանցությունների դեմ՝ ով էլ ընկեր դրանց գործադրողը՝ բարձրաստիճան աշխարհական, թե վեհազույն հոգևորական (20. VII. 1864): Կ. Շահնազարյանը գիտակցում էր, թե որքան մեծ պատասխանատվություն էր վերցրել իր վրա՝ հանձն առնելով «Երկրագունդի» խմբագրումն ու հրատարակումը. դա իրեն հնարավորություն էր տալիս գործելու անհամեմատ ավելի ազատ պայմաններում՝ Թուրքիայի և Ռուսաստանի իր հայազգի պաշտոնակիցների համեմատությամբ: «...Պարագաներն ավելի ձեռնառու են մեզ, — գրում է նա, — և մեր տեսությունն ազգի շահերու վերա ավելի ընդարձակորեն տարածելու, անոնց խորն թափանցելու և պատռելու ալն քողն, զոր տեղական հանգամանքն և միապետական գավազանի ազդեցությունն կծածկեն մեր պաշտոնակիցներեն» (2. V. 1864):

Կ. Շահնազարյանը ժամանակի հայ իրականության մեջ առաջադիմական, օգտակար թերթերի շարքում առաջին հերթին նշում էր Հ. Սվաճյանի «Մեղուն», որն արևմտահայության ամենաառաջադիմական, դեմոկրատական պարբերականն էր: Նա դրականորեն էր գնահատում նաև «Մասիսը», «Վարագայի հավատիսը». «Կան ալ բարեբախտաբար անկաշառ թերթեր, ինչպես Մեղուն, Վարագայի հավատիս, Մասիս և այլն, որք մեր կրոնից և ազգության պաշտպանության համար, կրնան մեջերսին միաբանություն հաստատել և հասարակաց թշնամիի դեմ անառիկ թումբեր կանգնեցնել...» (23. V. 1864): «Երկրագունդի» էջերում անհաշտ պայքար էր մղվում ռեակցիոն-պաշտպանողական պարբերականների՝ «Մեծմուլայի», «Երևակի», «Զոհալի» դեմ:

«Երկրագունդի» հրատարակման կապակցությամբ Շահնազարյանն անդրադարձել է աշխարհաբարի և գրաբարի պրոբլեմին: Իր պարբերականի առա-

չին համարում տպագրված հայտարարության մեջ նա գրում է, որ լրագիրը կը-
շարադրվի աշխարհաբարով, քանի որ դա էր ժողովրդի համար հասկանալի և
ընդունելի, իսկ «մեր թարգմանչաց լեզուն աստվածապաշտության և սրբազան
ճոխաբանության կապահմք» (30. VII. 1863): Սակայն նախապատվությունը
տալով աշխարհաբարին, «Երկրագունդի» խմբագիրը մտադիր չէր անտեսել
դրա թերությունները, անհարթությունները. նա պատրաստ էր դրանք ճշտ
կարելու ուղղել ջանալով՝ մեր աշխարհաբարուն կարգավորել և հաստատ հի-
մանց վրա դնել» (ն. տ.): Շահնազարյանի «հանապազոտ» ուստերից մեկն
էր աշխարհաբարը քերականական ճիշտ կանոնների վրա դնելով, դարձնել
«հասարակաց բարբառ» (ն. տ.): Նա կոչ էր անում ազգային մյուս պարբերա-
կաններին նույնպես իրենց էջերում արժարժել այդ կարևոր պրոբլեմը, քանի
որ լեզվի մաքրությունը «այլ բարեկարգությանց համեմատությամբ, ոչ սա-
կավ կարևոր է և շահեկան. վասնզի լեզվի առաջադիմությունն եղծմունքով
լըլար» (9. V. 1864):

Կ. Շահնազարյանը, ազգային առաջադիմության գործում որպես վճռա-
կան գործոն ընդունելով լուսավորությունը, դրա հետ մեկտեղ չէր բացառում
ժողովրդի զինված պայքարը՝ ընդդեմ հարստահարության և ստրկացման: Նա
լիովին արդարացնում էր ժողովրդական շարժումները, որոնք ուղղված էին հա-
կաժողովրդական քաղաքականության վարող կառավարությունների դեմ: Նա
գտնում էր, որ այնտեղ, ուր կա արդար օրենք և օրինավոր իշխանություն, յու-
րաքանչյուր քաղաքացու պարտքն է նեցուկ և պաշտպան հանդիսանալ նրան:
Եվ «պարտավոր է ընդհակառակն, ուր ոչ արդար օրենք կա և ոչ օրինավոր իշ-
խանություն ո՛չ ապաքեն ամեն մարդ, իհարկե ստիպյալ, իր ընչից և պատվո
և կենաց պաշտպանելու պարտական է, և կատարյալ իրավունք ունի՝ Ո՛վ կա-
րե այս բնական, համաշխարհական և հավիտենական օրենքս ջրել» (25. VIII.
1864):

Կ. Շահնազարյանն այս կապակցությամբ արդարացնում է նաև ընդհա-
տակյա ընկերությունների գոյությունը: Եվ նա կոչ է անում պայքարել ոչ թե
դրանց, այլ այդ ընկերությունները ծնող պատճառների դեմ: Այդ առիթով նա
քննադատության ենթարկեց է դարձնում պոլսահայ ամիրայության և կղերա-
կանության գաղափարախոս Հ. Չամուռճյանին, նրա թարգմանած և ծանոթա-
գրած «Խորհուրդ գաղտնի ընկերությանց» աշխատության հետադիմական գա-
ղափարախոսությունը: Դիմելով Չամուռճյանին, նա գրում է. «...Դու գաղտնի
ընկերությանց գեղությունն ծանուցանելն առաջ, անոնց աղբյուրն, ծնողն և
սկզբնապատճառն գտնելի և արմատեն խլելի և ոչ թե հիմար այգեգործի նը-
ման, թյունավորյալ ծառն արմատեն կտրելուն տեղ, անոր ճյուղերն միայն
բշտելով բարոյագիտի պարտքը կատարած սեպելի...» (30. V. 1864): Շահ-
նազարյանը համոզված է, որ այդ ընկերությունները կգոյատևեն այնքան ժա-
մանակ, քանի դեռ չեն հաստատվել ազատությունն ու արդարությունը: «...Միշտ
գաղտնի ընկերություններ եղեր են և պիտի ըլլան, մինչև որ ամեն մարդ իր
համոզումն, իր խղճի վկայությունն ազատորեն և աներկյուղ հրապարակելու
և լուծումն ստանալու իրավունք ունենա», — գրում է նա (21. VI. 1864): Նա
գաղտնի ընկերություններ ծնող պատճառ համարում էր՝ բռնությունը.
«...Դաղտնի ընկերություններն պատճառ կամ ծնող չեն. այլ աղբյուրն կամ
հետևանք միայն, գաղտնի ընկերությանց ծնողն կամ պատճառն բռնությունն
է միայն և ոչ այլ ինչ...» (30. V. 1864):

Պոլսահայ խավարամտության դեմ Կ. Շահնազարյանի վարած սկզբուն-
քային պայքարը, սոցիալ-քաղաքական բռնություններին բռնությամբ դիմա-
գրավելու գաղափարը նրան բնութագրում է իբրև առաջադիմական գործիչ:

XIX դ. 50—60-ական թվականներին հայ ժողովրդի միասնականության,
ազգայնության պահպանման վճռական գործոններից մեկը շարունակում էր
մնալ հայ եկեղեցին, լուսավորչական կրոնը՝ որպես կենտրոնաձիգ ուժ: Հե-
տամնաց, նախապաշարված ժողովրդական զանգվածների գիտակցության մեջ
քրիստոնեությունը շարունակում էր մնալ քաղաքական և սոցիալական ինք-

նապահպանման միջոց: Այս հանգամանքը շատ լավ էին հասկանում հայ առաջադիմական գործիչները:

Կ. Շահնազարյանը նույնպես գիտակցում էր լուսավորչական կրոնի նշանակությունը՝ որպես հայ ժողովրդի համախմբման և հարատևման գլխավոր գործոն: Հայ եկեղեցու հեղինակությունը բարձրացնելով, նա աշխատում էր դրա միջոցով խոչընդոտել միսիոներների քարոզչությունը, որը հետամտում էր ժողովրդի հոգևոր միասնության խարխլումը: Խորապես ըմբռնելով այս հանգամանքը, «Երկրագունդի» խմբագիրն անհաշտ պայքար էր մղում հայ ժողովրդի կրոնափոխության, հայ եկեղեցու կաթոլիկ կամ բողոքական եկեղեցիների ազդեցությանը ենթարկվելու դեմ: Այդ նպատակով նա իր պարբերականի մի շարք համարներում (23. V. 1864, 30. V. 1864, 21. VI. 1864) շարունակաբար տպագրում էր «Հիսուսյաններ» վերտառությամբ հողավածաշարը, որտեղ լուսաբանում էր վերջիններիս պատմությունը: Ի դեպ, նույն վերնագիրն ունեն և նույն նպատակն էր հետապնդում նաև Մ. Նալբանդյանի «Հիսուսյանք» հողավածը, որը ժամանակին տպագրվել էր «Հյուսիսսասիայի» էջերում և որն էլ, մեր կարծիքով, մղել է Շահնազարյանին գրելու իր հողավածաշարը: «Հիսուսականության ոգին է, ի սկզբանե հետե,— գրում է «Երկրագունդի» խմբագիրը,— բանականությունն անբանության փոխել, կենդանին դիակ ընել, անոր հոգին, միտքն, կամքն, ընտրությունն և գործունեությունն չբացնելով զանիկա անշունչ և շարժուն մեքենա ընել...» (30. V. 1864): Հիսուսյանների շարագործություններին ավելի մանրամասն ծանոթանալու, ներանց իսկական էությունը հասու լինելու համար նա ընթերցողին խորհուրդ էր տալիս կարդալ է. Սյուրի «Թափառական հրեան», որը ֆրանսերենից թուրքերեն էր թարգմանել «ազգասեր ուսումնական» Կարապետ Փանոսյանը (ն. տ.)¹³:

Փորձելով դիմագրավել կրոնափոխությանը, նա աշխատում էր ցրել ժողովրդի մեջ տարածված այն պատրանքը, թե իբր բողոքականություն կամ կաթոլիկություն ընդունելով, նրանց դրությունը կբարելավվի, թե իբր նրանք կըվայելեն եվրոպական տերությունների հովանավորությունը: Նա դա համարում էր «չնշին հույս, անձնախաբ պատրանք» (ն. տ.): Իբրև իր ասածի ապացույց, «Երկրագունդի» խմբագիրը մեջ է բերում 1856 թվականի Փարիզի դաշնագրի այն հատվածը, որով Թուրքիայում քրիստոնյա տերությունների մասնավոր պաշտպանությունը վերացվում էր և նրանք «հավաքաբար միայն և անխափառ ամեն քրիստոնյա ժողովրդաց պաշտպանություն ընելու կարող են» (23. V. 1864):

Ընդունելով հայ եկեղեցին, լուսավորչական կրոնը՝ որպես հայ ժողովրդի ազգապահպանման հիմնական միջոց, Շահնազարյանը միաժամանակ խիստ քննադատության է ենթարկել հոգևորականությանը, նրա անարժան վարքն ու գործունեությունը, ժողովրդի նկատմամբ գործադրած բռնությունները՝ լինելով դա հասարակ քահանա, թե կաթոլիկոս (9. V. 1864): Նա դառնությամբ է ներշնչում այն փաստը, որ բարձրաստիճան հոգևորականությունը, որի ամենաառաջին պարտավորությունն էր պատրաստել եկեղեցու համար կիրթ սպասավորներ և ազատել ժողովրդին միսիոներների որոգայթներից, ամենևին չի հոգում այդ մասին: Նրանց գործունեությունն ուղղված էր ոչ թե ժողովրդի իրական պետքերը հոգալուն, այլ անձնական շահ ստանալուն. «...Մեր կարգավորներն ըստ մեծի մասին մի-մի վանք նստած, ժողովուրդն անխնամ երեսի վերաձգել են. եթե տարին մեկ երկու անգամ իրենց անապատեն դուրս կելլեն. անոր շարժառիթ պատճառն ալ հայտնի է, և ամոթալի հոս հիշել» (13. VII. 1864):

Հայ կղերականության մեծամասնությունը շարունակում էր մնալ տգետ: Խոսելով նրանց մասին, Շահնազարյանը հատկապես ընդգծում էր վերջիններիս ծառայողական ոգին, որը «հեղուկության սահմանն անցնելով ստրկության կմոտենա» (18. IV. 1864): «Երկրագունդի» խմբագիրն մեծ զայրույթ էր պատ-

¹³ Ի դեպ, Նալբանդյանը ևս մեծ նշանակություն է տվել այս աշխատությանը: Նրա թարգմանությամբ լույս էր տեսել դրա առաջին հատորը:

ճառում հատկապես այն պիաստը, որ հայ եկեղեցականներից շատերն ի շարքի էին գործադրում իրենց հոգևոր պաշտոնը: Յվ; դիմելով կրոնական առաջնորդներին, նա պահանջում էր, որպեսզի նրանք «ազգի վանքն քանք և բուրս ընկնում տեղ ի գայթակղություն ճշմարիտ Հայոց և հուրախություն: Հիսուսյան, Հայոց կրթության վարժարան ընեն» (9. V. 1864): Հակառակ դեպքում նա սպառնում էր հրատարակել նրանց գործունեության վրա լույս սփռող մի շարք նյութեր, որոնք իր ձեռքի տակ էին, և «կարևոր մեկնություն տալ ի գիտություն ամենեցուն» (ն. տ.):

Այսպիսով, Կարապետ Շահնազարյանի սոցիալ-տնտեսական հայացքների բնութագրությունն ու վերլուծությունը մեղ բերում է այն համոզման, որ XIX դ. 60-ական թվականներին, որպես առաջադեմ գործիչ և հրապարակախոս, ժամանակի կարևոր, հրատապ խնդիրների ու պրոբլեմների լուծման հարցում նա հանդես է եկել հետադիմության և խաղաղամտության դեմ:

КАРАПЕТ ШАХНАЗАРЯН И ЕГО ГАЗЕТА «ЕРКРАГУНД»

КАРИНЕ АГАМЯН

Р е з ю м е

Представитель просветительской мысли 50—60-х гг. XIX в. К. Шахназарян является одним из замечательных деятелей армянской культуры и общественной мысли этого периода. В статьях, опубликованных в газете «Еркрагунд», преодолевая рамки консерватизма, он откликался на передовые общественные идеи своего времени: Он был убежденным противником социально-политического насилия и выступал за свободу угнетенных народов. «Еркрагунд» подвергал критике реакцию и мракобесие, защищал интересы ашхарабара. Он придерживался прогрессивных ориентаций в вопросах национального земледелия и торговли, а также развития производства.